


Տպագրված է ընդամենը 4 օրինակ
Օրինակ 3

ՀԱՍՏԱՏՎԱԾ Է

«ՄԵՅՎ ԴԸ ՉԻԼԴԻԲՆ ԻՆԹԵՐՆԵՇՆԼ»-Ի
ՀԱՅԱՍՏԱՆՅԱՆ ՆԵՐԿԱՅԱՑՈՒՑՉՈՒԹՅԱՆ ՏՆՕՐԵՆԻ
ԿՈՂՄԻՑ

11 հոկտեմբերի 2011թ.



Օսկար

Տնօրեն՝ Ռուդոլֆ ֆոն Բերնուսթ

Կ Ա Ն Ո Ն Ա Դ Ի Ր ՈՒ Թ Յ ՈՒ Ն
ՄԵՅՎ ԴԸ ՉԻԼԴԻԲՆ ԻՆԹԵՐՆԵՇՆԼ
ՀԱՅԱՍՏԱՆՅԱՆ ՆԵՐԿԱՅԱՑՈՒՑՉՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. «Սեյվ դը Չիլդրեն Ինթերնեշնլ» հայաստանյան ներկայացուցչությունը (այսուհետ՝ «Ներկայացուցչություն») հիմնադրվել է «Սեյվ դը Չիլդրեն Ինթերնեշնլ» (այսուհետ՝ «Հիմնադիր») Տնօրենների Խորհուրդի որոշմամբ:
- 1.2. Ներկայացուցչությունը հանդիսանում է Հիմնադրի առանձնացված ստորաբաժանումը Հայաստանում:
- 1.3. Ներկայացուցչությունը գործում է ՀՀ օրենսդրության, Հիմնադրի որոշումների և սույն Կանոնադրության համաձայն:
- 1.4. Ներկայացուցչության անվանումն է՝ «Սեյվ դը Չիլդրեն Ինթերնեշնլ Հայաստանյան Ներկայացուցչություն»:
- 1.5. Ներկայացուցչության գտնվելու վայրն է՝ ՀՀ ք. Երևան, 0023, Ագաթանգեղոսի փող. 2ա, 2-րդ հարկ:

2. ՆԵՐԿԱՅԱԾՈՒՑՉՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ

- 2.1. Ներկայացուցչությունը չունի իրավաբանական անձի կարգավիճակ:
- 2.2. Ներկայացուցչությունն օժտված է ՀՀ օրենսդրությամբ, Հիմնադրի և սույն Կանոնադրությամբ սահմանված բոլոր իրավասություններով:
- 2.3. Ներկայացուցչությունն կարող է ունենալ իր անվանումով՝ հայերեն, ռուսերեն և անգլերեն լեզուներով կլոր կնիք, պաշտոնաթղթեր, ընթացիկ և այլ հաշիվներ:

3. ՆԵՐԿԱՅԱԾՈՒՑՉՈՒԹՅԱՆ ՆՊԱՏԱԿՆԵՐԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

- 3.1. Ներկայացուցչությունը Հայաստանում ներկայացնում է Հիմնադրի շահերը և իրականացնում է դրանց պաշտպանությունը:
- 3.2. Ներկայացուցչությունը Հիմնադրի անունից կարող է ձեռք բերել գույքային և ոչ գույքային իրավունքներ և կրել պարտավորություններ՝ ՀՀ օրենսդրությամբ սահմանված կարգով:
- 3.3. Ներկայացուցչությունը Հիմնադրի անունից կարող է հայցվոր կամ պատասխանող լինել դատարանում և միջնորդ դատարանում:
- 3.4. Ներկայացուցչությունը կարող է իրականացնել ՀՀ օրենսդրությամբ չարգելված այլ գործողություններ:
- 3.5. Ներկայացուցչությունը պարտավոր է՝

- բարեխղճորեն կատարել ՀՀ օրենսդրությամբ, սույն Կանոնադրությամբ և Հիմնադրի որոշումներով իր վրա դրված պարտավորությունները,
- իր գործունեության մասին պարբերաբար հաշվետվություն ներկայացնել Հիմնադրին՝ վերջինիս կողմից սահմանված կարգով,
- սահմանված կարգով վարել հաշվապահական հաշվառում և ներկայացնել հաշվապահական և վիճակագրական հաշվետվություններ:

4. ՆԵՐԿԱՅԱՑՈՒՑՉՈՒԹՅԱՆ ԿԱՌԱՎԱՐՈՒՄԸ

- 4.1. Հիմնադրին է պատկանում Ներկայացուցչության կառավարման և գործունեության ցանկացած հարցի վերջնական լուծման իրավունքը:
- 4.2. Հիմնադրի բացառիկ իրավասության հարցերն են հանդիսանում՝
 - Ներկայացուցչության Կանոնադրության հաստատումը, դրանում փոփոխությունների ու լրացումների կատարումը,
 - Ներկայացուցչության տնօրենի նշանակումը և ազատումը,
 - Ներկայացուցչության կառուցվածքի որոշումը, հաստիքացուցակի և աշխատողների վարձատրության ֆոնդի սահմանումը,
 - Ներկայացուցչության վերակազմակերպման և լուծարման մասին որոշումների ընդունումը,
 - Ներկայացուցչության գործունեության նկատմամբ հսկողության իրականացումը:
- 4.3. Ներկայացուցչության գործադիր ղեկավարը նրա տնօրենն է, որը նշանակվում է Հիմնադրի կողմից և գործում է նրա կողմից տրված լիազորագրի հիման վրա:
- 4.4. Ներկայացուցչության տնօրենը Հիմնադրի անունից կարող է կատարել հետևյալ գործողությունները՝
 - մասնակցել խորհրդակցությունների, բանակցությունների և այլ հանդիպումների,
 - կնքել առևտրային և ոչ առևտրային պայմանագրեր և այլ անհրաժեշտ գործարքներ,
 - իրականացնել գործատուի ֆունկցիաներ՝ հաստատված հաստիքացուցակի և աշխատավարձի ֆոնդի համաձայն,
 - իրականացնել Հիմնադրի որոշումներով և ՀՀ օրենսդրությամբ չարգելված այլ գործառնություններ:

5. ՆԵՐԿԱՅԱՑՈՒՑՉՈՒԹՅԱՆ ԳՈՒՅՔԸ

- 5.1. Ներկայացուցչության գույքը տրամադրվում է Հիմնադրի կողմից և հաշվառվում է ինչպես Ներկայացուցչության, այնպես էլ Հիմնադրի հաշվեկշռում:
- 5.2. Ներկայացուցչության ամբողջ գույքը պատկանում է Հիմնադրին:
- 5.3. Հիմնադիրը լիակատար նյութական պատասխանատվություն է կրում Ներկայացուցչության ստանձնած պարտավորությունների համար:

6. ՆԵՐԿԱՅԱՑՈՒՑՉՈՒԹՅԱՆ ԼՈՒԾԱՐՈՒՄԸ

- 6.1. Ներկայացուցչությունը կարող է լուծարվել Հիմնադրի կամ դատարանի որոշմամբ՝ ՀՀ օրենսդրությամբ սահմանված կարգով:
- 6.2. Ներկայացուցչության լուծարման դեպքում Հիմնադրի կողմից նշանակվում է լուծարման հանձնաժողով (լուծարող), որը, պարտատերերի պահանջներն օրենքով սահմանված կարգով բավարարելուց հետո, մնացած գույքը փոխանցում է Հիմնադրին:
- 6.3. Սույն Կանոնադրությամբ չկանոնակարգված հարցերը կարգավորվում են ՀՀ օրենսդրությամբ և Հիմնադրի որոշումներով:

Կազմված է 11 հոկտեմբերի 2011թ.